



MAANDELIKSE ALGEMENE VERGADERING

Maandag 28 November 2016, 09h00 vir 09h30.

Die Waenhuis, Jagersbosch, Stilbaai-Wes.

Fantastiese Antarktika.

David Carter.

Dave & Sal Carter het vroeër hierdie jaar die suidelike Atlantiese Oseaan en Antarktika besoek. Kom geniet hierdie vreemde en wonderlike wêreld saam met hulle. Ons kan julle verseker dat die foto's fantasties sal wees.

Gaste en nie-lede is welkom om die praatjie by te woon, toegang is gratis

LIDMAATSKAP

U3A Stilbaai kan net nie ophou groei nie! Na ons Oktober vergadering het ons nou 131 lede; sedertdien het nog mense aangedui dat hulle wil aansluit.

Dit blyk dat gereelde berigte oor U3A Stilbaai in die plaaslike koerante verseker dat meer mense weet waarvoor ons staan en wat ons doen. Kennisgewings van ons algemene en spesiale vergaderings wat nou op die kennisgewingsborde by die Biblioteek, Spar en OK Grocers is, help ook om inligting oor ons aktiwiteite te versprei.

DIT EN DAT ...

Algemene Vergadering op 31 Oktober.

Gill Simpson het gepraat oor die ontwikkeling van haar skuilplek vir wilde diere, "Wild Rescue", op Kliprivier Natuurresewaat langs die Goukourivier noord van Stilbaai. Sy het verduidelik dat 'n doelwit van die skuilplek is om biodiversiteit te bevorder – wilde diere word rehabiliteer sodat hulle weer in die natuur losgelaat kan word. Die skuilplek is nog nie werksaam nie, daar is nog permitte wat uitstaande is, maar sy werk nouliks saam met CapeNature om nakoming van die wetlike vereistes te verseker. Die skuilplek sal oop wees vir die publiek.

Jagersbosch Fonds.

Ons Jagersbosch Fonds het gegroei tot byna R4,000, danksy skenkings van verskeie mense en organisasies. Die nuwe projektor is aangekoop teen 'n prys van R5,999, ons kon 'n rente-vry lening van R2,000 kry om die verskil op te maak – ons wou die projektor so spoedig moontlik kry sodat ons reg kan laat geskied aan die voordragte wat ons sprekers lewer.

Vir 'n volle lys van alle bydraes, besigtig die 'Jagersbosch Fonds' blad op ons webtuiste: www.u3astilbaai.org. Donasies tot die Jagersbosch Fonds van enige lid of organisasie is welkom. Donasies kan by die maandelikse algemene vergadering gemaak word, of kan in ons bankrekening inbetaal word: ABSA Sake Spaarrekening:– Naam: U3A Stilbaai; Nr.: 9321782429; Kode: 632005, vul asseblief 'Jagersbosch Fonds' in as die verwysing; en epos ons by bank@u3astilbaai.org om betaling te bevestig.

Ons sal weer 'n bottel wyn by die November vergadering uitloot ten bate van die Fonds.

U3A STILBAAI KURSUSSE

Kursusse is net vir lede. Die volgende kursusse is reeds óf aan die gang óf in beplanning:

- **Kuns vir Beginners** : Teken of verf in medium van u keuse – vergader die eerste Donderdag van elke maand. Kontak Julie op wilson.julie222@gmail.com.
- **Stapgroepe** : Die groep stap elke Vrydag oggend, kontak Cheryl op cheryl@kmintsa.co.za.
- **Historiese Toere** : Toere van Stilbaai, Jongensfontein, Riethuiskraal en Melkhoutkraal word beplan, dié sal in herfs 2017 aangebied word wanneer die weer beter is. Getalle vir die toere is beperk – kontak asseblief Hella op dockel@vodamail.co.za om aan te dui of u belangstel. Die dag en tyd van die toere sal in Maart finaliseer word.
- **Italiaanse Kookkuns** : ReINETTE se drie twee kursusse was baie populêr. Sy sal aanhou met die kursusse, en Euchie Yazbek sal ons in Januarie 2017 wys hoe om moussaka voor te berei. Getalle word beperk tot 8 per kursus. Bespreek asseblief u plek by Stefan op info@u3astilbaai.org.
- **Kuns waardering** : Bonnita Davidtsz offer hierdie kursus aan vroeg in 2017. Kontak haar asseblief op wingover@myconnection.co.za.
- **“TED Talks”** : Ons moes ons eerste TED praatjie uitstel weens te veel ander verpligtinge hierdie maand, maar ons sal Januarie daarmee begin. Ons sal lede vra om onderwerpe voor te stel uit die 4,800 praatjies beskikbaar van TED, of ons sal 'n kort lys per epos uitstuur en vra vir voorkeure vir elke maand se onderwerp. Kontak Stefan by info@u3astilbaai.org vir meer inligting.
[TED is 'n onpartydige beweging sonder winsmotief wat daarop gestel is om idees te versprei, gewoonlik in die vorm van kort, kragtige praatjies. TED het in 1984 begin as 'n konferensie waar Tegnologie, die Vermaaklikheidsbedryf en Ontwerp (“Technology, Entertainment & Design”) vergader het; vandag dek dit alle vakgebiede – van wetenskap tot sake aangeleenthede tot wêrelds-kwessies. Kry meer inligting by www.ted.com.]

Kontak ons gerus as u terugvoering het oor enige van ons kursusse, of voorstelle het vir nuwe kursusse wat ons kan aanbied. Epos: info@u3astilbaai.org.

KOMENDE PRAATJIES ...

In Desember en Januarie het ons twee spesiale praatjies gereël, albei is sonsondergang vergaderings by Jagersbosch, dit begin 18h00. Ons verwag dat baie mense sal bywoon en dit mag nodig wees om getalle te beperk; dit mag dus wees dat “wie eerste kom, eerste sal sit”. Albei die sprekers sal hul boeke teen 'n spesiale afslagprys te koop aanbied.

- 28 Desember 2016: Marié Heese praat oor die navorsing vir en skrywe van haar nuwe boek “Maestro” – 'n roman oor die vormingsjare van die 17de eeu Italiaanse beeldhouer Gianlorenzo Bernini.
- 3 Januarie 2017: Hermann Giliomee se “Historikus – 'n Outobiografie” word in November vrygestel. Hy praat oor die boek en bied ook advies aan oor die skrywe van 'n outobiografie.

Ons program vir algemene en spesiale vergaderings is op die kennisgewingsborde by die Biblioteek, Spar en OK Grocers.

BESOEK ONS WEBTUISTE VIR MEER INLIGTING : WWW.U3ASTILBAAI.ORG